

Báhtin, vállidin, ja mannin

- seminárra dutkama birra sáme guovlojn

Bájkke: Árran-julevsáme guovdásj / lulesamisk senter
Goassa: Mánnodagá guovvamáno 7. biejeve kl 10.00 – 13.00

*Ulmutja ietjá sebrudagájs li histávrrá tjadá sámijt gæhttjam máttij tjalmij:
muhttijn imálussjamijn
iehtjáda vas fantásija baktu
muhtema dutke diedalasj tjalmij
iehtjáda kameraninsaj baktu ja dájddárij tjalmij
muhtema roaddomijn
ja muhtema li vas mijáv sihtam ietjájduhttet.*

(Árrana vuosádusás)

Aktan Nordlánda universitehtajn le Árran sáme dutkaminstituhtav ásadime. Sáme sebrudagá árvo ja dárbo galggi liehket vuodon dutkaminstituhta dájman. Sáme diedoj duodastahttema, tjielggidahttema ja gaskostime baktu galggá instituhta sáme sebrudagáv nannit ja ávddánahttet. Sáme sebrudagán li diedo ma li árvvon aj globála aktijvuodan. Dutkaminstituhta dájmaj baktu galggá sáme diehto gaskostuvvat stuoráp aktijvuodaj baktu, sæmme báttá gá mij aktan iehtjádij, dáj gaskan ietjá álgoálmuksebrudagáj, ávddánahttet ádá diedojt ma sáme sebrudahkaj ávkken báhti.

Sæmme báttá le nav jut sáme sebrudagán le guhkesájge átsádallam dutkamusás. Dá li dutkama ma ienemusát li álggolij dutkijs. Gáktu le dát dutkam mijáv vájkkudam? Majt máhttet oahppat? Ja ájnnaabmusijt, mij galggá dasi vaj dutkaminstituhtta sjaddá mijá ietjamij, instituhttan masi mij máhttet luohttet ja mij buktá sáme sebrudahkaj dav ávddánahttemav majt sihtap? Buorisboahtem!

Åsa Nordin
dutkanrádevadde/assistant professor

Anne Kalstad Mikkelsen
gaskostimjådediddje

Árran- julesáme guovdásj /lulesamisk senter
8270 Ájluokta

Prográmma:

Mánnodagá guovvamáno 7. bieje:

Kl. 10.00 – 10.45

Báhtin, vállidin, mannin- átsádallama ja ájádusá dutkama birra mij le mijá guovlon dagádum.

Lis-Mari Hjortfors: *Gávva áhkos – ulmusjtjerdej kategoriserima birra*

May-Judith Amundsen: *Sihtap gus dal ájn dutkamav sáme guovlojn?*

Inga Karlsen : *”Biedjit sijáv suoddamfiello nali ja gáhtjo luládakbiekkav sijáv vállidet”*

Kl. 10.45 – 11.05

”Majt dal ájn sihti?” – gáktu le abmasin ja dutken liehket sáme sebrudagán. Anna Gustafsson ávdđánbukta.

Báddá

Kl. 11.15- 11.45

Dutkam sáme bájkálasj sebrudagájn- máhttep biejat áđá mihtojt? Ása Nordin ávdđánbukta.

Kl. 11.45- 12.30

Dutkam – sisbieles váj álggolis?

Jens-Ivar Nergård ja Piers Vitebsky ávdđánbukteba

Kl. 12.30 – 13.00

Ságastallam ja dágástallam

13.00

Svarkka

Seminárra le rabás gájkajda. Jus sidá svarkav (kr 110,-) de viertti diededit juogu dal e-pásta poassta@arran.no jali telefávná 75775100 baktu.

Lágádalle:

Lis-Mari Hjortfors bohtá Julevsámes svieriga bieles (Jielleváres). Etnologa ja rádevadde Árranin

May-Judith Amundsen le Måskén riegádam ja bajássjaddam. Sån le giellaáhpáididje Árranin.

Inga Karlsen le Vuodnabadán riegádam ja bajássjaddam. Pensjonissta, girjjetjálle ja kultuvrrabargge.

Anna Gustafssons le Karlstad:as Svierigin ja Ph.d studænnta St.Andrews universitehtan Skottlándan.

Sån le ietjas dutkambargo Divtasvuonan guoradallam.

Ása Nordin le sábmme svieriga bieles (Jielleváres). Sujna le Ph.d-eksábma sáme láhkámijs, Ubmema universitehtas ja le dutkamrádevadde Árranin.

Jens-Ivar Nergård , professor kultuvrraláhkámij Tråmså universitehtan. Jens-Ivar Nergård barggá aj Árrana ávdás ”Rádjáoahpestimprosjevtan”.

Piers Vitebsky, professor Scott Polar Research instituhtan, University of Cambridge. Árranijn ja Scott Polar Research instituhtajn, University of Cambridge, le formálasj aktisasj barggo ásadum.